

M503: Albert von Augsburg: Leben des heiligen Ulrich

0,1 Vita Sc-i Vlrici Alles des man beginnen sol .
0,2 daz en kan sich niht virenden wol
0,3 Ez en gebe got der helfe schin .
0,4 von der lieben milte sin .
0,5 Lobes er eine werdicheit .
0,6 wil han . daz si nieman leit .
0,7 Als uns der wissage seit
0,8 der eren krone er eine treit .
0,9 Beide ere vnd gewalt .
0,10 sin tugent div ist manichualt .
0,11 Stete . milte . lobesam .
0,12 vil uerre bekant ist sin nam .
0,13 Er ist reine . suoze . gut .
0,14 er ist veste niht wanchelmut .
0,15 Barmeherzicheit ist er vol .
0,16 vnd gedulticheit als er sol .
0,17 Redelich vnd wuonnechlich .
0,18 niemen ist ime fuor war gelich .
0,19 Tohte im iht mines herzen sin .
0,20 mit allem vlize lobte ich in .
0,21 Vberein er ist rein .
0,22 deme richen vnd dem armen gemein .
0,23 Sich ime ergit . sweme sunder nit
0,24 ist daz herze uon minnen wit .
0,25 Ihesu vater aller guote .
0,26 vor luogen mich behuote .
0,27 Wand ich guten willen han .
0,28 ze beduoten ein buch ob ich kan .
0,29 Von sente Vodelriche .
0,30 wirdich des sinnes riche .
0,31 Wande mir geistlichen kint .
0,32 in deme herzen beslozen sint .
0,33 Ein iegelichez nach siner werdicheit .
0,34 als ez got hat bechleit .
0,35 So wil ich durch ir minnen .
0,36 niuowes dinges beginnen .
0,37 Des ich alle wile nie began .
0,38 die liebisten bringent mih dar an .

0,39 Der ich nuo niht nennen wil .
0,40 Ir lob spar ich an daz zil .
0,41 Da daz lob ane ende wert .
0,42 die des sich hie machent wert .
0,43 Ich konde sie geloben vil .
0,44 wan daz ich ir niht virkoufen wil .
0,45 Nuo biten wir den suozen krist .
0,46 der uaters wisheit geheizen ist .
0,47 Daz ich uon sinem geiste
0,48 daz geluobede so geleiste .
0,49 Daz sin name werde geeret .
0,50 vn- unser heil gemeret .
0,51 Min rede hie ein ende hat .
0,52 ich wil tun des man mich bat .
0,53 Div warheit niht ein mere
0,54 saget . daz ein nothelfere
0,55 Was . ze tivschem lande .
0,56 als ich in e nande .
0,57 hivpaldus sin vater was genant
0,58 Dietbirga sin muoter bekant .
0,59 Nach der werlde werdicheit .
0,60 edel . riche . wol uf geleit .
0,61 Nach der gotes minne .
0,62 stunden aber mer ir sinne .
0,63 Den wart von gote ein kint gegebe-
0,64 wan daz irwarb ir reinez leben .
0,65 Daz wart irzogen mit vlize .
0,66 swie so daz were ir wize .
0,67 Daz uon gote ein zeichen geschach
0,68 daz merte ir herzen vngemach .
0,69 Wande daz kint was iamerlich .
0,70 swie so was ir koste rich .
0,71 Ze allen ziten stunt offen ir tuor .
0,72 wecmuoder man gienc selten da fuor .
0,73 Nuo fuoget ez sich so daz ein gast .
0,74 deme der herberge gebrast .
0,75 Chom dar in gegangen .
0,76 der wart wol entphangen .
0,77 Wand er ein herre ein phaffe was .
0,78 vnd ein pilgerin als ich ez las .
0,79 Der beleib eine wile da bi in .
0,80 eines tages do az der pilgerin
0,81 Do daz kint niht zwelf wochen het .
0,82 got abe mit im ein wunder tet
0,83 Wand er kuntftigiv dinc an im sach
0,84 dar umbe der herre alsus sprach
0,85 “Man benem ime daz brustelin .
0,86 so ne belibet niht gesunt daz kindelin .”

0,87 Des en uolgeten sie im niht zehant
0,88 sit wuorden sie s zwir gemant .
0,89 Hie kom dar nach der dritte tac
0,90 do daz kint vil kranchez lac .
0,91 Der guote man neigete sin ore nider
0,92 vn- sprach do er sich gerihte wider
0,93 “Wizzent fuor war man ne uolge mir
0,94 ez kuomet des kindes ende schir
0,95 Hinath ez irsterben muoz .
0,96 wirt ez entwent des wirt im buoz
0,97 Vnd wirdet wert noch uor gote
0,98 ez sol behalten sin gebot .”
0,99 daz war div pphetia si
0,100 Daz wir daz prououen des si wir vri .
0,101 wan div zeichen div sint geschehen .
0,102 Ze sinem grabe . div suln der warheit iehen .
0,103 Do daz kint uon der ammen wart genomen .
0,104 an deme libe begond ez widerkomen .
0,105 Ouch wart sin tugenthafter muot .
0,106 an bezzerunge also guot .
0,107 Daz alle die wunder nam .
0,108 vn- frowetn sich . diz fur quam .
0,109 Daz uon ysaac vnd abraham .
0,110 div schrift mich her ze setzenne gezam:
0,111 Da daz kint gewuohs vn- entwent wart .
0,112 her Abraham nith langer sparte
0,113 Er machete eine groze wirtschaft .
0,114 div rede vindet hie gute kraft .
0,115 Dir patriarcha groz
0,116 wand er gotes guote genoz .
0,117 Daz im daz kint wart gegeben .
0,118 nah wirtschefte sold er billiche streben .
0,119 Sus sol von himel der vater rich .
0,120 deme abraha- ist ungelich .
0,121 Sinen kinden wirtschaft machen
0,122 Vone seltsenen sachen .
0,123 Div du herre bereite .
0,124 hast in der kristenheite .
0,125 Ihesu edeliv gimme
0,126 lade sie mit der stimme .
0,127 “Etzet . trinket . frivnde min .
0,128 vch sol trunken machen der win .
0,129 Der uon minem libe ran .
0,130 wand ich iv alles gutes gan .”
0,131 Dirre kunftiger spisere .
0,132 vfe dem fronen altaere .
0,133 Der gotelicher bezeichnenheit .
0,134 muose dar zu werden bereit .

0,135 Von vil herer spise .
0,136 daz er nah der wise
0,137 konde wirtscaft machen .
0,138 von sihtlichen sachen .
0,139 Alse man ufe deme himele phliget .
0,140 an deme der engele frouwede liget .
0,141 Daz ist unser herre krist .
0,142 der ouch hie unser wirtscaft ist
0,143 Er lernte enzit die maze geben
0,144 der daz volc solte leben .
0,145 In den kintlichen tagen .
0,146 vil mezlichen begond er sich betragen .
0,147 Gotes uorhte liebet er sere .
0,148 den vriunden irbot er ere .
0,149 Getelosicheit er virmeit .
0,150 als vil er mohte uor siner kintheit .
0,151 Vozen zeigt er an den geberden wol
0,152 wes sin herze was innen vol .
0,153 Do des kindes frivonde rein .
0,154 sahen . daz gotes gnade an ime schein
0,155 Sie enphuolhen ez ze sente gallen
0,156 den heiligen luten allen
0,157 Daz man in werltliche schrift lerte
0,158 vn- sinen muot ze geistlicher zuhte kerte .
0,159 Do entphienc er der meister zuoht .
0,160 un- uon der gotheit suoze fruht .
0,161 Wand er der selben buoche wort .
0,162 machet mit den werken einen suzen hort .
0,163 Er begonde an iacobs leiter treten
0,164 untuogent begond er uz den tuogenden ieten .
0,165 Er hete uon ihesu wol virnomen .
0,166 “Wilt u wesen uollekomen
0,167 So virkouf daz du hast . vn- uolge mir .
0,168 vn- gib ez den armen daz rate ich dir .”
0,169 In den selben ziten da bi in .
0,170 was beslozen ein klosenerin .
0,171 Wibrat was sie genant .
0,172 von guoten wercken wol bekant .
0,173 Wande sie von suozer arebeite
0,174 ein templu- got bereite .
0,175 Da in sie ir scheffere .
0,176 niemer wolte komen lere .
0,177 Sie brante ir oppher dar inne .
0,178 mit der waren minne .
0,179 Sie sprach mit dem psalmista .
0,180 “In me sunt des uota tua .”
0,181 Div wort ich so beduote .
0,182 durch ungelerte luote .

0,183 Got dine antheize sint bi mir .
0,184 die ich ze lobe sol gelten dir .
0,185 Sente Volrich der ivngelinc .
0,186 kundet der urowen siniv dinc .
0,187 Sie sprach “man sol got dar vmbe vragen .
0,188 drier tage la dich niht betragen .”
0,189 Do div vrist ein ende nam .
0,190 der iungelinc aber zuo ir quam .
0,191 Sie antwuorte ime von deme geiste san .
0,192 “gotes wille ist niht ewirdiger man .
0,193 daz du din zit hie virtribest .
0,194 ich sage dir wa du belibest .
0,195 Gegen osteren landen ein stat ist .
0,196 da fluozet ein wazzer so saget dir krist .
0,197 Daz selbe wazzer teilt zwei lant .
0,198 da wirdes du bisschof des wis gema-t .
0,199 Von heiden un- ouch der kristenheit .
0,200 lides du da vil widermuticheit .
0,201 Dar umbe virzwivil du doch niht .
0,202 wand er selbe alsus giht .
0,203 “Getruwent mir ich han gesiget .
0,204 der werlte . Din strit obe geliget .”
0,205 Sprich tuon wir tugent in got .
0,206 unser vient virswachet sin gebot .”
0,207 Sa do er daz uirnam .
0,208 ze sinen heimlichsten frivnden er do quam .
0,209 Vnd sagete den selben diz virstoln
0,210 vn- bat sie daz sie z heten virholn .
0,211 Da nach begond er suchen
0,212 die bluomen in den buchen .
0,213 Rehte gelicher wis als ein pin .
0,214 daz suozeste was daz las er in .
0,215 Er fleiz sich daz er honiges seim .
0,216 gewunne vil . daz er da heim .
0,217 vntir sin volc geschankte .
0,218 vnd mit suozer lere trankte .
0,219 Er mohte wol iehen mit dem psalmist .
0,220 “Din wort mir verrer suzer ist .
0,221 Herre in dem munde min .
0,222 denne honich oder honechseim sin .”
0,223 Der mohte ouch wol sin in der zal .
0,224 Die nvo predigent uberal
0,225 “Herre christ din suozecheit .
0,226 Daz uns vor herre dauid seit
0,227 Daz manigem bosen wihtte ist leit .”
0,228 Von den bruodern er vrloub nam .
0,229 Do er do hin heim quam .
0,230 Sine vriuonde uberal froweten sich .

- 0,231 Vnd dancketen gote vil willechlich .
0,232 Daz er so was gebezzert ser .
0,233 Nuo was do bisschof Adelber .
0,234 Vober augespurc herre .
0,235 Da uone niht ze verre .
0,236 Deme enphuolhen sie in . reinez leben .
0,237 Was dem vor andern luoten gegeben .
0,238 Des geloube . und des leben rein .
0,239 Vor vil manigen manne schein .
0,240 Daz taten sie durch daz .
0,241 Daz er wuorde ein irweltez vaz .
0,242 Ob ith wandelbere .
0,243 An siner zuohtte were .
0,244 Daz er in deme spiegel solte
0,245 Bezzern . ob er wolte .
0,246 Do sich der bisschof virsan .
0,247 Daz er ein vil uester man .
0,248 Des gelouben . vn- ouch der werke was .
0,249 Der waren minne ein adamas .
0,250 Gezierten uon vil guoten siten .
0,251 Er begonde in vlizechlichen biten .
0,252 Daz er uzen vnd innen .
0,253 Phlege . mit sinen sinnen .
0,254 Des rates vober daz bistuom
0,255 Wan dar zuo duhte er in fruom .
0,256 Da nach den phaffen ersam .
0,257 Ze Rome einer verte gezam .
0,258 Daz er beidiv sin dinch . vn- ouch sich .
0,259 Entphulhe den . die da ze himelrich .
0,260 Gewalt ze besliezenne vn- ze offenne habent .
0,261 Vnd uns mit lere hie labent .
0,262 Do er ze Rome quam in den hof .
0,263 In entphiench vil wol der bisschof .
0,264 Der der apostoln stuol besaz .
0,265 Der hiez marinus . er niht virgaz .
0,266 Gote . vn- luoten lieben sich .
0,267 Der vragete sente Vodelrich .
0,268 Wer er si vnd wanne er we\,re .
0,269 Des antwuorte ime der houebe\,re .
0,270 “Ich bin vater . ein tivoscker man .
0,271 Bisschoffes adelbern kapelan .”
0,272 Des antwuorte do marinus im .
0,273 “Niht we\,rlische sun min .
0,274 Bisschof adelber der ist tot .
0,275 Er hat virwuonden des libes not .
0,276 Got ez selbe geschaffen hat .
0,277 Daz duo besitzen solt die stat .”
0,278 Do tet er als der wise man .

0,279 Salomon leret . vn- sach sich an .
0,280 In lerte daz div diemuot .
0,281 Er iach er were dar zuo niht gut .
0,282 Er en were niht wert der eren .
0,283 Der heilige geist begonde leren .
0,284 Den babest . daz er zuo ime sprach .
0,285 “Nuo div ecclesia hat gemach .
0,286 flivoest du nvo daz schiffelin
0,287 Daz du nvo niht rihte\,re wil sin .
0,288 Der tac kuomet . swie ungerne tuo ez tuost .
0,289 Daz du gotes gebot behalten muost .
0,290 So daz ungestuome wirt .
0,291 Vnd dich weter niht virbirt .
0,292 Truoren . vnd ouch arebeit .
0,293 So muost duo der kristenheit
0,294 Sunder dinen willen phlegen .
0,295 Vnd der angest gar irwegen .
0,296 Got wil doch din gehelfe sin .
0,297 Daz du daz selbe schiffelin .
0,298 Bringest vil muoder ze deme stade
0,299 Da ich dich nu zuo lade .”
0,300 Do daz virnam der reine man .
0,301 Dar umbe ze trahten . fuor er dan .
0,302 Offpfer mit gebete brahte er groz .
0,303 Der zeher regen von ime vloz .
0,304 Den heiligen aposteln bevalch er Sich .
0,305 Vnd beualch ouch gote des alten lich .
0,306 Des andern tages er dannen schiet .
0,307 Sin groziv diemuot ime daz riet .
0,308 Er tet als uns iohannes saget .
0,309 Von ihesu den daz uolck iaget .
0,310 Daz er ein kuoninc iht wuorde .
0,311 Als uloch diser man die buorde .
0,312 hie suln wir tuon widerker .
0,313 Do irstarp der bisschof adelber .
0,314 Hiltine nach ime bisschof was .
0,315 Fivnzehen iar . als ich ez las .
0,316 Den dar umbe got hinnen nam .
0,317 Daz sente Volrich lobesam .
0,318 Den bisschoffes stuol bese\,ze .
0,319 Vnd daz daz uorgele\,ze .
0,320 kome an die rehten warheit
0,321 Phaffen vnd volck was bereit
0,322 Z erweln ze einem herren in .
0,323 kuoninc heinrich bot ouch den willen sin .
0,324 hie wart er ze bisschoffe irwelt .
0,325 Vnd fuor einen fuorsten gezelt .
0,326 Do der tuogenthafter man .

- 0,327 Daz selbe bistuom gewan .
0,328 Er begonde wahssen als der tac
0,329 Gebetes er steatechlichen phlac .
0,330 Er las vnd gedahte ouch sere .
0,331 Wie der apostolus here .
0,332 Von dem bisschoffe schribet .
0,333 Deme div ere belibet .
0,334 Er kivot der bisschof schol ane laster wesen .
0,335 Wil er an der sele genesen .
0,336 Vnd gotes spisere .
0,337 Hochuerte vnd zornes lere .
0,338 Reizennes vnd vreuelcheit .
0,339 Vnreht gewin si ime leit
0,340 Milter wirt . suoze gemuot .
0,341 Nuoter . gereht . kivosch . guot .
0,342 Zwivalte predigat sol er han .
0,343 Wider valsche lere sol er stan .
0,344 Zweier hande tuogende wesselich .
0,345 het der gute sente Volrich .
0,346 Ez en wuorde ein not div in dar zuo treib .
0,347 Selten er iemer muozich beleib .
0,348 So er an deme gebete niene was .
0,349 Die heiligen schrift er ste\,tichlichen las .
0,350 Als er von dem halsen gienc
0,351 Rachel . Liam er umbevienc .
0,352 Von Rachel schonen antluotze
0,353 Wirt man der werlte vnnuotze .
0,354 Dirre herre Lye niht virgaz .
0,355 Swie ime mit Rachel we\,re uerre baz .
0,356 Die gotes muore zimberte er wider .
0,357 Vnd der stete . die geuallen nider
0,358 Waren . von des fivers kraft .
0,359 Und uon der elte . Div heidenschaft .
0,360 hete ime des gesindes irslagen ein teil .
0,361 Die wuont waren die machete man heil .
0,362 Wol konde der herre redelich .
0,363 Vorne vnd hinden bewarn sich .
0,364 Aller luote er sorge truoc .
0,365 Vnd doch des muotes gewa\,re genuoc .
0,366 Er tet nach sente Paules rate .
0,367 Als er gelesen hate .
0,368 Wand er wise meister gewan .
0,369 Die daz uozer gezimber griffen an .
0,370 Des innern zimbers er selbe phlac .
0,371 kristus div gruontveste da vnder lac .
0,372 Dar uof gezimbert golt vn- silber wart
0,373 Edel gesteine uon richer art .
0,374 Wande von siner predigate .

0,375 Und ouch von guoteme rate .
0,376 Manec goteshus der sele vof irstuont
0,377 Den gotes minne we\,re vil unkuont
0,378 Swen er mit bilde vn- mit lere .
0,379 Brahte . zu der suozen kere .
0,380 Was deme siner helfe not .
0,381 Wie willechlichen er sie bot .
0,382 Uerren unde nahen .
0,383 Vant man die ime iahen .
0,384 Guote vnd miltecheit .
0,385 Den siechen sin gabe was bereit .
0,386 Vnd die da waren geungen .
0,387 Allen luten milte langen .
0,388 Er mohte wol als job iehen .
0,389 “Vof den virdorben kom min segen .
0,390 Der witewen ich den trost gab .
0,391 Dem blinten daz ouge . dem lamen den stab .
0,392 Der armen lute ich vater bin .
0,393 Wart iemen geleidet . ich weinte in .
0,394 Swelch vngemach den armen niht virmeit
0,395 Min sele daz selbe mit ime treit .”
0,396 Als er ze sinem tische saz .
0,397 Der armen luote er niht virgaz .
0,398 So er den gab allen rat
0,399 Dar zu besach er sie der wat .
0,400 Sich selben kestigete er sere
0,401 Durch die gotes ere .
0,402 Gewant uon wollen truc er an .
0,403 Ez meit ouch vleisch der heilige man .
0,404 Er mohte mit den wercken iehen .
0,405 Als er an sente Paules schrift hete gesehe-
0,406 “Min lip mit kestegunne ich mache bereit
0,407 Daz mich iht strafe min bosheit .”
0,408 Des nahtes er an dem bette lac .
0,409 Gar uorweche vnze an den tac .
0,410 Der nahtes brahte er ze oppher sich .
0,411 Des tages uof den altare sihetechlich .
0,412 Vnsern herren ihesum krist .
0,413 Der uns heilsam oppher ist .
0,414 Sust machet er lieb vnd meare .
0,415 Daz oppher sinem schefpheare .
0,416 Des tages dienet er gote mit marthen
0,417 Marien des nahtes wolte er warten .
0,418 Da sie bi den fuozen saz .
0,419 Ihesu . der schrift er niht virgaz .
0,420 Die sinen fuozen nahent .
0,421 Sine lernunge die entphahent .
0,422 Nach complete meit er ezzen .

- 0,423 Vnd trinken . er n wolte ouch niht v'gezzen .
0,424 Daz got selbe gesprochen hat .
0,425 "Von dinen worten wirt din rat .
0,426 Diniv wort virdamnent alle dich"
0,427 Duorch daz sprach er steatechlich .
0,428 "herre . setze hute dem munde min .
0,429 Min leuesse habe in der sch'me din ."
0,430 Swennen in dar zuo div noht twanc .
0,431 Daz er muose reden sunder danc .
0,432 So was sin wort gezieret .
0,433 Mit wisheit wol gezimieret .
0,434 Maze vnd suozicheit was sie vol .
0,435 Bescheidenheit konde er behalten wol .
0,436 Ze diemuote vnd ze bezzeruonge .
0,437 Was gar bereit sin zuonge .
0,438 Als ein wiser man lerte .
0,439 Sin wort er ze nuotze kerte .
0,440 Swenne waren muode siniv lider
0,441 Von gotes dienste . die legete er nider .
0,442 Deicheiner slahte vedern er ruohte .
0,443 Stuollachen oder teppiche er suochte .
0,444 Da tet er uofe ein slafelin .
0,445 Vnd daz ich kuorze die rede min .
0,446 Vozen man in fuor einen phaffen het .
0,447 Vnd innen an eines Muoniches stet .
0,448 Er az vil meazlichen .
0,449 Vnd tet den gelichen .
0,450 Als er fleisch genuozte .
0,451 Sinen gemazzen er betuozte .
0,452 Wande so er von tische gienc .
0,453 Die messae er sanc vnd entphienc .
0,454 Den heiligen gotes lichenam .
0,455 Ze einer zit ez also quam .
0,456 Daz von kostenze bisschof Cuonrat .
0,457 kom . ze augespurc in die stat .
0,458 Do sie bi einander gesazen .
0,459 Ze sente Afern vnde gazen .
0,460 Vnd vil blivochlichen schiet von dan .
0,461 Sider sante er ze dem heiligen man .
0,462 Einen boten der in uant .
0,463 Da er opphferte den heilant .
0,464 Vof dem altare . da ez der bote sach .
0,465 Wider den herre- er sider ueriach .
0,466 Do er fragete der meare .
0,467 Wa er so lange weare .
0,468 Do antwuorte ime der bote san .
0,469 "Ich muose biten des heiligen man .
0,470 Vnze er die messe volbrahte .

- 0,471 Sa do er des gedahte .”
0,472 Mit disen worten sa ze der stat .
0,473 antwuorte bisschof Chunrat .
0,474 “Hat er messe gesuongen sider”
0,475 Mit smiren die rede nam er wider .
0,476 “Niemen huote als sater gienc .
0,477 Da man ze dem alter daz ophfer entphienc .”
0,478 Ob er des mit schimphfe iach .
0,479 Von der warheit er z do sprach .
0,480 Wande ime got die spise bot .
0,481 Div da heizet daz lebendeg brot .
0,482 Von rechter virstanticheit .
0,483 Er tranc daz wazzer der wisheit .
0,484 Wand er voz deme kelche tranc .
0,485 Uor truonchenheit mit dauide er sanc .
0,486 Eructauit cor meu- uerbu- bonu- .
0,487 Ze dem gesange gotes marter was im fru- .
0,488 Wand er an die rehte gedahte .
0,489 So er gote daz opphfer brahte .
0,490 Herre din kelch in truonken machet .
0,491 Swer vleisches bosheit gar virswachet .
0,492 So er die psalmodie las .
0,493 Vil suoze div stimme des tones was .
0,494 Daz er vn- alle die mit ime lasen .
0,495 Gewuonnen reiniv herze sunder masen .
0,496 Vnd in der suozen andaht .
0,497 Wart in gotes tougen braht .
0,498 Daz sie kvonftigiv dinc sahen .
0,499 Daz wil ich sagen . als sie es iahen .
0,500 Daz ich daz bewaren muoge .
0,501 Daz ich vil ungerne luoge .
0,502 Do man die gruoft machete wider .
0,503 Als sie was geuallen nider .
0,504 Sin phaffe Ra-b’tus hiez sin nam .
0,505 Eines tages er von sinen sinnen quam .
0,506 In duhte daz sente Vodelrich .
0,507 Mit ime lease . als was gewonlich .
0,508 Vnd bisschof adelbern sach er sten .
0,509 Zuo im in pristers geweate gen .
0,510 Westerthalp in der gruofte .
0,511 Sa do im der herre ruofte .
0,512 Sin muot ime zwivelen began .
0,513 Waz er mohte tuon da zwivelte er an .
0,514 Den toten er vloch . ze dem lebendigen er lief
0,515 “Waz sol ich tun .” er uaste rief .
0,516 Do antwuortet ime der heilige man .
0,517 “Sage Rambrecht wes sihes du mich an .”
0,518 Er sprach “hie stet bisscof adelber .

0,519 Der ruofet mir . Vnd ist sin ger .
0,520 Daz ich ime helfe messe singen .
0,521 Bereit ist er ze dingen .”
0,522 Do sprach der bisschof Vodelrich .
0,523 “Wis ime gehorsam snellich .”
0,524 Mit der rede er zuo ime gienc .
0,525 Vnd so getane rede . von ime entphienc .
0,526 “Rambreht sage deme herren din .
0,527 Daz er so wol gedahte min .
0,528 Beidiv mit almuosen vnd mit gebet
0,529 Vil schone ime daz vor gote lebet .
0,530 Wand er vindet von gote den lon .
0,531 Ein zeichen sage ich dir da uon .
0,532 Wande ich vnd fortunatus .
0,533 Ob ez virlihiet vnser herre ihesus .
0,534 An deme gruonen donerstage .
0,535 Der schiere kuomet . ich dir daz sage
0,536 hie suln segenne den kresemen wir .
0,537 Vber daz disev gruoft vellet schir .
0,538 Dar umbe er z niht lazen sol
0,539 Er n mache die gruntveste vester wol .
0,540 Du solt ouch manen die bruoder din .
0,541 Daz sie so virgazen min .
0,542 Mit dem gebete daz sie gehiezen mir
0,543 Ez en si daz sie ez leisten schir .
0,544 Wizzen ez alse daz gotes leben .
0,545 Daz sie muozen dar vmbe antwuorte geben .”
0,546 Vnder den selben wilen .
0,547 Begonde der bisschof ilen .
0,548 Gende von des kuoniges sal .
0,549 Do wart ime gesaget der gruofte val .
0,550 Alse Rambrehte was vor kunt getan .
0,551 hie wart vnduoltech der heilige man .
0,552 Vnd kom niht abe der arebeit .
0,553 Vnze div gruoft wart bereit .
0,554 Sit do geschach da ze Waringen .
0,555 Do solte er auer singen .
0,556 Die salmen mit sente Volriche .
0,557 Do erschrac er vngefuocliche .
0,558 Vnd sach aber den bisschof an .
0,559 Der selbe in ouch fragen began .
0,560 Waz ime wuorre . do sprach er .
0,561 “Ich sihe den bisschof Adelber .
0,562 In heiliger wat . hie bi mir sten .
0,563 Der wil ze dem alter gen .
0,564 Vnd wil hie dienen minem threhtin
0,565 Der gebivtet . mich sin helfere sin .”
0,566 An disem manne ist worden war .

0,567 Daz dauid sprach uor manigem iar .
0,568 “Cu- s-co s-cs eris
0,569 Et cu- p-uso puteris .”
0,570 Daz muoz ich so beduoten .
0,571 Bist du bi heiligen luoten .
0,572 Du wirst mit heiligen luoten rein .
0,573 Daz an disem man wol schein
0,574 Hie fuor war ich niht vir dage .
0,575 Wie ime an dem osterlichen tage
0,576 Geschach . do er messe wolte singen .
0,577 Vnder bezeichnenlichen dingen .
0,578 Do er gotes lichenam segenne began .
0,579 Gotes zesewen sach da manec man .
0,580 Do div messe wart vollebraht .
0,581 Ein prister helrich des gedaht .
0,582 Der hete in dem kore des gesanges geplogen .
0,583 Der begonde dem bisschoffe nach zogen .
0,584 Vnd sagete vil vmbescheidenlichen daz .
0,585 Do iach er . ez we\,re virswigen baz .
0,586 Denne daz man ez in div oren sagete
0,587 Des volckes . daz ime niht behagete .
0,588 Do daz der prister horte .
0,589 Er schamete sich . vnd zestorte .
0,590 Gar mit weinen sin gesiht .
0,591 Niemer mer gesach er daz liht .
0,592 Der gotes man gedahte der brodecheit
0,593 Menneschlich lob was ime leit .
0,594 Er uorhte er viele in uobermuot .
0,595 Alse man von lobe vil dicke tuot .
0,596 Er danckte got der gnaden die er het .
0,597 Von den heiligen so geschriben stet
0,598 Uon tuogenden hin ze tuogenden sie gent
0,599 Vnze sie ze syon mit gote bistent .
0,600 Er tet deme geliche .
0,601 Als ein tyer von himelriche .
0,602 Ez geschac hinter vnd ouch fuore
0,603 Dem heiligen geiste gab er die kuore .
0,604 Ze deme stigenne er sich bereite .
0,605 Er uolgete ime swar er n leite .
0,606 Wand er ze bosheit vnmere hat .
0,607 Do steic er uf der tuogende grat .
0,608 Eines nahtes vor dem antlaztage .
0,609 Ein stimme zuo ime sprach . “ich dir sage .
0,610 Wizzest daz Volrich bisschof .
0,611 Daz geste choment in dinen hof .
0,612 Die du solt entphahen .
0,613 Div zit ist vil nahen .”
0,614 Der herre von den sachen .

0,615 Begonde uon deme troume irwachen .
0,616 Vnd begonde do trachten sere .
0,617 Wer we\,ren die geste here .
0,618 Der slaf den der herre slief .
0,619 Do im div stimme alsus rief .
0,620 Der troum en was niht truogelich .
0,621 Er was deme slafe vil gelich .
0,622 Von dem da gihet in canticis .
0,623 Div minnenbrut . zuo ir amis .
0,624 "Ich Slafe . ez wachet daz herze min .
0,625 Ich han entsebet der minne sin ."
0,626 Do der gotes goume .
0,627 Lac ruowen in deme troume .
0,628 Also sprach ein stimme zuo im .
0,629 "Bisschof Volrich mich virnim .
0,630 Din gebete hat irhoret got .
0,631 Din almuosen ist ein werder bot .
0,632 Dem er dich entpholhen hat .
0,633 Bisschoffe adelbern vn- fortunat .
0,634 Die dir dar zuo werdent gesant .
0,635 Daz sie sin da din hant .
0,636 Gotes licham huote vnd morgen .
0,637 Suln segenn . suomeliche- vnvirborgen ."
0,638 Des andern morgens vil vruo .
0,639 Greif der edel fuorste zuo .
0,640 Da er gote wolte dienen .
0,641 Do sach man ob ime schienen .
0,642 Gotes zesewen mit siner hant .
0,643 Swar er des cruces zeigen want .
0,644 Die guoten luote daz sahen .
0,645 Die nach sinem tode iahen .
0,646 Do die ze dem altare giengen
0,647 Vnd gotes licham entphiengen .
0,648 Er legete in den vinger vober den munt .
0,649 Da mite tet er in kunt .
0,650 Daz sie ez nieman wolten .
0,651 Sagen . noch kuonden solten .
0,652 Do div messe gesungen wart .
0,653 Des nahtes er z niht langer spart .
0,654 Er ladete sie in sine heimlicheit .
0,655 Die bezeichenuonge er in seit .
0,656 Vnd gebot in daz sie ez bi sinen tagen
0,657 Solten decheinem mennischen sagen .
0,658 Sit geschach ez aber ze einer zit .
0,659 Do er in der naht lac ruowen sit .
0,660 Daz sente afra wol gevar
0,661 Mit rocke uof gegurt . mit chleider clar .
0,662 Chom hin ze siner bettestat .

0,663 Div in ir sa zehant volgen bat .
0,664 Vnd fuorte in an daz lechvelt sa .
0,665 Do funden sie sente petrum da
0,666 Mit bisschoffen vnd mit heiligen vil
0,667 Als da man einen sent haben wil .
0,668 Die heiligen er wol bekante .
0,669 Die bi sinen ziten er vor hin sante .
0,670 Vnd ime gotes gnade da kunt tet .
0,671 Die sazen ze sprache an der stet .
0,672 Vnd taten als iohannes saget .
0,673 Da div stimme der martyre\,re chlaget .
0,674 Vnd bitet rache uober die .
0,675 Die sie in dem libe wizzegent hie .
0,676 Sus was ir chlage gemeine .
0,677 Vober herzogen arnolden eine .
0,678 Der was in der lebindigen zal .
0,679 Vnd zefuorte div goteshus uberal .
0,680 Den leien gab er ir eigen gar;
0,681 Dar vmbe vrteilten sie in fuor war .
0,682 Zwei swert wuorden da hin fuore braht .
0,683 Der einez decheine helzen hat .
0,684 Da uone sente peter reden began .
0,685 Mit sente Volriche deme reinen man .
0,686 Er sprach: "sage dem kuonige heinriche .
0,687 Div swert sint bezeichenliche .
0,688 Daz du ane die helzen sihist .
0,689 Bezeichent den . der niht gewihet ist .
0,690 Mit der helzen daz swert .
0,691 Den . von der wihe des riches ist wert ."
0,692 Do zergien der heiligen rat .
0,693 Sente afra zeigete ime die stat
0,694 Da sider chuonich Otto siniv huoser legete .
0,695 Mit einer sprache er sin her irwegete .
0,696 Daz sie ze lankparten taten eine vart .
0,697 Vnd ime der kuonic Bernger vnd'tanic wart .
0,698 Sie sagete ime daz div gruolich diet .
0,699 Den hunger ze Tivoscken landen geriet .
0,700 Vn- swie sie uns taten groziv leit .
0,701 Den sick behabete doch div kristenheit .
0,702 Owi wie wol ein werder man .
0,703 Deme got sus grozer eren gan .
0,704 Daz er den apostoln gelichet ist .
0,705 Sente peter troumete ze einer vrist .
0,706 Daz im vo- himele wuorde gelazen ein vaz .
0,707 Der diet bekerde beduoten ime daz .
0,708 Sente Paulus ouch gezuocket wart .
0,709 Vnze an des dritten himels vart .
0,710 da er gotes taugen

0,711 horte daz ist unlaugen .
0,712 sante ulrich sin zeswen er sande .
0,713 div erSchein uof siner hande .
0,714 Als ich her nach sagen wil .
0,715 E ich kome an daz zil .
0,716 Gotes tougen er horte vn- sach .
0,717 Er weste vor des volckes vngemach .
0,718 Daz en wolte er ze den stunden .
0,719 Deme volcke niewet kunden .
0,720 Er sagete ez sinen heimlichen .
0,721 Frivonden . tougenlichen .
0,722 Do sich der se\,lich man virsach .
0,723 Daz ime daz luot des besten iach .
0,724 Dar umbe vberhuob er sich niht .
0,725 Er sagete gote gnade der geschit .
0,726 Er danckte gote alleeine .
0,727 Sprechen mohte der reine .
0,728 Mit sente paulo . “swaz so ist min .
0,729 Daz muoz von gotes gnaden sin .”
0,730 Ouch liez er niht under wegen .
0,731 Er begonde sines volckes phlegen .
0,732 Mit dem gotes worte er daz lerte .
0,733 Siniv phunt er ze wuocher kerte .
0,734 Sin bistuom nam er gar fuor sich .
0,735 Leien . phaffen . alle gelich .
0,736 Vleiz er sich ze besorgen .
0,737 Den abent vnd den morgen .
0,738 Gienc er deme rehte mit fuoge nach .
0,739 Ze himelriche was im vil gach .
0,740 Ze m ersten begonde er vragen .
0,741 Den pristern sere lagen .
0,742 Ob sie mit rehter lere .
0,743 Stuonden ze des livotes kere .
0,744 Vnd ob sie mit ir getate .
0,745 Bewearten . ir predigate .
0,746 Wand swa man ir leben virsmahet iht
0,747 Da ist ir predigate enwiht .
0,748 Dar nach muosen die leien .
0,749 An den selben reien .
0,750 Er fragete ob sie volgen wolten
0,751 Ir lere . als sie solten .
0,752 Ob sie vigerten die zit .
0,753 Die in got ze vigern git .
0,754 Vnd ob sie ze kirchen giengen .
0,755 Vn- gotes reht entphiengen .
0,756 Er hiez den zehenten geben ze reht .
0,757 Do er daz gemachete allez sleht .
0,758 Symonie vnd alle ketzer wise .

0,759 Virbot der witzige grise .
0,760 So er phaffen wihen .
0,761 Oder kirchen lihen .
0,762 Oder kresimen geben solte .
0,763 Decheine gabe er dar vmbe wolte .
0,764 Ime was div stat vil wol kunt .
0,765 Wa ez an dem euangelio stunt .
0,766 “Ir habet ez vmbesus entphangen .
0,767 Vmbesus sult ir ez langen .”
0,768 Gab ime ieman mit willen iht .
0,769 Mit gnaden virwarf er des niht .
0,770 Ze sente marien satzte er daz reht
0,771 Ez were ritter oder kneht .
0,772 Der ze ir gesinde horte .
0,773 Mit werken noch mit worte .
0,774 Daz niemen deme dechein leit taete .
0,775 Daz gesetzedede machete er staete .
0,776 Ouch begonde er sie rihten .
0,777 Vnd an der zuohte slihten .
0,778 Daz sie daz luot leides erliezen .
0,779 Wande sie geniezen
0,780 Scholten . der nature gebot
0,781 Diz in gab ze m ersten got .
0,782 “Daz dv wollest des man dich
0,783 Irlaze . des irlaz ouch mich .”
0,784 Ouch saget daz euangelium .
0,785 Behalte wir daz . ez wirt vns vrum .
0,786 “Swes ir von den luoten gert .
0,787 Des suln sie werden von iv gewert .”
0,788 Sus er uon tuogende hin ze tuogende trat .
0,789 Nvo wolte in irwegen von der stat .
0,790 Der vil iare vnd manige vrist
0,791 Menneschliches kuonnes vient ist .
0,792 Wand ez geschach ze der selben zit .
0,793 keisers Otten sun hub einen strit .
0,794 Wider sinen vetern heinriche .
0,795 Herzoge vober Nordentriche .
0,796 Livotolf was der sun genant .
0,797 Vnd was herre uober Tivoscklant .
0,798 Do d’ keiser niht mohte gestillen die not
0,799 Deme bruodere er do helfe bot .
0,800 Nvo was ein phfallenzgraue arnolf .
0,801 Geheizen . an den truowen ein wolf .
0,802 Deme entphalch der herre beierlant .
0,803 Vnd fuor ze sahssen ze dem keiser zeha-t .
0,804 Do machete der selbe vngetruowe man
0,805 Livotolfe daz lant undertan .
0,806 Do daz virnam sente Vodelrich .

0,807 Mit rittern er besamnete sich .
0,808 Vnd liez ir genuoc in der stat .
0,809 Der er uaste huoten bat .
0,810 Vnd hub sich gegen norwagenlant .
0,811 Da er den keiser Otten vant .
0,812 Der wuoterich sa vuor augespurc fuor .
0,813 Mit roube tet er grozen schuoer .
0,814 Er vienc der rittere ein michel teil .
0,815 Sine sele vmbevienc der sunden seil .
0,816 San nach disen dingen .
0,817 Sente Volrich kom ze maenichingen .
0,818 Dar uoffe besaz kuonich Livtolf in .
0,819 Da vone wart bose sin gewin .
0,820 Wande da vone in kuorzen tagen .
0,821 Begonde in sin bruoder Tiebalt iagen .
0,822 Vnd mit ime der graue albreht .
0,823 Der in deme strite was ein guot kneht .
0,824 Sie triben in ze sinem lande .
0,825 Mit vil grozer schande .
0,826 Sin bruoder herman wart irslagen .
0,827 Uon grauen albrehte . wil ich sagen .
0,828 Wan er streit vil manlichen .
0,829 Machabeo mac man in gelichen .
0,830 Judas fur sine bruodere streit .
0,831 Als tet dirre fuor die kristenheit .
0,832 Durch daz man wol gelouben muoz .
0,833 Daz ime si des todes buoz .
0,834 Vnd daz er die frowwede habe .
0,835 Der er niemer suole komen abe .
0,836 Des lichenam der bisschof uof hub .
0,837 Ze sente marien er in begruob .
0,838 Vnd als ime do so wol gelanc
0,839 Div uorhte die lvote alle twanc .
0,840 Daz niemen sich des vnderwant .
0,841 Des ze augesp c gehorte . vber al daz lant .
0,842 Wande sie komen es alle ze arebeit .
0,843 Die deme heiligen man taten kein leit .
0,844 So sie ez gebezzerten deme reinen man
0,845 Gotes hulde er in gewan .
0,846 Vil des wuonders wil ich virdagen .
0,847 Ein vil luotzel wil ich sagen .
0,848 Ein man der was hie nahen bi
0,849 Gnuoge iehent daz ez ein warheit si .
0,850 Der tobete vnd zarte die hemde sin
0,851 Also tobendick schiet er hin
0,852 Einer ein buoch ze augespurc stal .
0,853 Vn- koufte ein ros . daz er niht hal
0,854 Sin wib . wande er zuo ir sprach .

0,855 "Mir vil verrer baz geschach .
0,856 Daz ich daz buoch fuorte dan .
0,857 Da mite ich diz schone phfearit gewan .
0,858 Denne ich ez lazen hete dort ."
0,859 Do sprach daz wib do sie ez gehort .
0,860 "Ez weaere dir bezzer vormiden .
0,861 Daz duo ez nie geruort hetes mit den liden ."
0,862 Do er sit daz ros streichete
0,863 Sinen tot ez ime reichete .
0,864 Sider ez phalnzgraue arnolf galt .
0,865 Der ze sinem schaden was so balt .
0,866 Do Regenspurg besezzten wart .
0,867 Erslagen wart er an der vortart .
0,868 Einer von Eistet nam ein tischlach
0,869 In deme roube . daz was schwach .
0,870 Den bekumberte san der ualant .
0,871 Der niergen die stat vant .
0,872 Da er sich verbergen mohte .
0,873 Daz wiewazzer ime niht tohte .
0,874 Er en mohte nie werden vor im vri .
0,875 Er n weare ime ze aller zit sihtichliche- . bi .
0,876 Vnze er daz tuoch wider brahte .
0,877 San do er s wider den bisschof gedahte .
0,878 Wand er der guote was vol .
0,879 Uon ime wart er irlediget wol .
0,880 Vnder den selben ziten
0,881 Wolten zesamene riten .
0,882 keiser Otto vnde sin sun .
0,883 Do machete sente Volrich die sun .
0,884 Des half ime bisschof hartebreht .
0,885 Von Kuor . ein warer goteskneht .
0,886 Er weste wol daz sie goteskind .
0,887 Waren . die fridemacheare sint .
0,888 Wande sie ez der heilige geist lerte
0,889 Der ez ze guote kerte .
0,890 Wande div ware minne .
0,891 kom in der herren sinne .
0,892 Der sun irgab sich willechlichen .
0,893 Deme keiser Otten richen .
0,894 Do entphiench er den suon sin .
0,895 Disev rede kuomet vil wol in
0,896 Also stet in euangelio .
0,897 Der vater wart des suoness vro .
0,898 Ietweder sun was wol tot .
0,899 Wande sie waren in grozer not .
0,900 hie wart frouwede umberal .
0,901 Von gotes lobe ein grozer schal .
0,902 Daz volck lobete got von rehte .

0,903 Daz ez erlediget wart von sinem knehte .
0,904 Dar nach geschach vober ein iar
0,905 Do von gotes geburte waren fuor war .
0,906 fivonf vnd fivonfzec iar vn- nivown hundert .
0,907 Do wart er sere bekuombert .
0,908 Wand ez fvor uz der Vnger schar .
0,909 Uon der Tuonowe besazen sie gar .
0,910 Daz lant . vnze an den swartzen walt .
0,911 Vnd daz gebirge ir sere engalt .
0,912 Von rouben vnd von brande .
0,913 Daz volck in Tuosckeme lande .
0,914 Sente Afern goteshus wart virbrant .
0,915 Sie besazen augespurc sa zehant .
0,916 Do tet der bisschof meare .
0,917 Niht als ein mietheare .
0,918 Der sa ze der stuonde vlivohet .
0,919 Als der wolf zvo zuohet .
0,920 Siner schafe er niht virgaz .
0,921 Swie so der wolfe we\,re dechein maz .
0,922 Er saztte sich wider als ein degen .
0,923 Got bat er der sache phlegen .
0,924 Do die rittere ze den porten .
0,925 Striten mit swertes orten .
0,926 Vnde div geschoz regendicke .
0,927 Vluogen an die schiltes blicke .
0,928 Vof ein ors er gesaz .
0,929 Schiltes vnd helmes er virgaz
0,930 Eine stole legete er an sich .
0,931 Da entzwiscken reit er sicherlich
0,932 kivose hie den nuowen Josue .
0,933 Der die arken in der alten . e .
0,934 Vmbe Jericho fuoren hiez
0,935 Vnd die busuonen blasen liez .
0,936 Iosue was vozerhalp der muore .
0,937 Innerhalp dirre gehivore
0,938 Phlach des volckes mit truowen .
0,939 Wol gezam Josue deme nuowen
0,940 Daz er innerhalp weare .
0,941 Alse raab div meare .
0,942 Wand sie bezeichent die kristenheit .
0,943 Die got mit sinen gnaden hat bereit .
0,944 Von rehte er in der stat reit .
0,945 Daz ist in der kristenheit .
0,946 Vnd vozerhalp wider den tivfel streit .
0,947 Iosue hiez die ewarten
0,948 An deme tragenne harten .
0,949 Die arcken mit busuonen schellen .
0,950 Daz luot mit schrienne hellen .

0,951 Do viel nider div mvore starck .
0,952 Als truoc sente Volrich gotes arck .
0,953 In deme herzen reine .
0,954 Die pristere algemeine .
0,955 Salmen vnd ymnen sungē .
0,956 Mit gebede die luote chlungen .
0,957 hin ze gote vnd siner muoter rein .
0,958 Daz er sie irloste algemein
0,959 Von der Vonger gewalte .
0,960 Zehant er die Vonger valte .
0,961 Wande man vil schiere seit .
0,962 Daz keiser Otto vof sie reit .
0,963 Sie saztten sich mit strite wider .
0,964 Vil schiere viel ir ere nider .
0,965 Sie begonden alle vliehen
0,966 Die Tuosken in nach ziehen .
0,967 Den fuorsten was doch nie so gach .
0,968 Der keiser iagete in allez nach .
0,969 Vnze sie wuorden geuangen .
0,970 Ze Regenspurc irhangen .
0,971 Do man die Vongere viriagete
0,972 Gote er gnade sagete .
0,973 Durch geschiht der selben sachin .
0,974 Mit smeae begonde er sich swachin .
0,975 Durch not der vndertanen .
0,976 Vollen begonde er sich anen .
0,977 Er n suohte niht daz gefuore sin .
0,978 Sente Paulis wort wart an ime schin .
0,979 Swer sines volckes niht ruoche hat .
0,980 Den habe man an eines heiden stat .
0,981 Durch daz er sine phaffen luot .
0,982 Den vor genomen was ir guot .
0,983 Mit den teilte er swaz er het .
0,984 Daz selbe er allen luoten tet .
0,985 Den armen bot er sine hant
0,986 Als in got het uor gemant .
0,987 “Gib dich vnd din selbes guot .
0,988 Einez ane daz ander luotzel tuot .”
0,989 Ze der stunt wart er gemant .
0,990 Vmbe sente Afren kirchen div virbrant
0,991 Was . von den heiden .
0,992 Der Vngere vmbescheiden .
0,993 Daz er wider machen hieze .
0,994 Noch Sintpreht den bisschof lieze
0,995 Ligen bi deme grade des chor .
0,996 Er solte ime machen ein dach enbor .
0,997 Von dem begonde sente Volrich denken .
0,998 Mit vastenne sich sere krenchen .

- 0,999 Mit andern luoten guoten .
0,1000 Sie begonden an got vaste muoten
0,1001 Daz er sie breahte inne
0,1002 Wa laege sin materarinne .
0,1003 Vnd obe div stat ze der gruofte guot .
0,1004 We\,are . als ime sagete sin muot .
0,1005 Da tet got der warheit schin .
0,1006 Daz gesprochen hete der wissage sin .
0,1007 “Gotes ougen div sint vof getan .
0,1008 Ze aller zit . vober den rehten man .”
0,1009 Anderswa vinde wir .
0,1010 “Got der tuot den willen ir .
0,1011 Die in wuorhtent . vn- horet ir gebet”
0,1012 Als er disen heiligen tet
0,1013 Wand ime ein nahtes sente afra irschein .
0,1014 Vnd zeigete ir heiligez gebein .
0,1015 Ouch gebot sie ime daz er anderswa
0,1016 Machete die gruoft . wande da .
0,1017 Vil grozer herren heilichtuom lac
0,1018 Vnd sol da ligen vnze an den suontac .
0,1019 San do er irwachete .
0,1020 Die gruoft er wider machete .
0,1021 Nvo suln wir sagen von der stat .
0,1022 Die sente afra miden bat .
0,1023 Ein gartheneare was . der vant ein hol .
0,1024 Vnd ein hus dar inne gemuoret wol .
0,1025 Dem bisschoffe er daz sagete .
0,1026 Vnd uragete n wie ez ime behagete .
0,1027 Ob er dar inne sin kruot se\,ate
0,1028 Vnd ouch behielte dr inne swaz er he\,ate .
0,1029 In dem geiste antwuorte im d’ bisschof san
0,1030 “Tuost duo daz unwiser man .
0,1031 Dvo verlivoses dine sinne . vn- ouch din liht .”
0,1032 Der worte der n ahtete der tuombe niht
0,1033 Er samnete allez sin dinc dar in .
0,1034 Do virlos er ouch die sinne sin .
0,1035 Ze dem bisschoffe fuorte man in sider
0,1036 Der gehalf ime des gesuontes wider .
0,1037 Wuonder ich iv nv sagen mvoz .
0,1038 Sider im wart der suoche buoz .
0,1039 Niemer mer er chomen kunde .
0,1040 Da er daz hol funde .
0,1041 Sente Vlrich begonde lieber haben
0,1042 Die stat . wande sich begraben
0,1043 Er an der stat gedahte .
0,1044 An dem frietage er daz oppher brahte
0,1045 Ouch da . so er da heime beleib .
0,1046 Sider in ze Rome sin wille treib .

0,1047 Sente habunden houb er da gewan
0,1048 Daz er ze augespurc brahte san .
0,1049 Dicke suochte er vil der heiligen stet
0,1050 Ze sente Gallen er daz meiste tet .
0,1051 Wand er da was geleret
0,1052 Vnd an den tuogenden gemeret .
0,1053 Dar nach fuor der snelle .
0,1054 Ze sente Meinrades celle .
0,1055 Da was ein gotes kint Eberhart .
0,1056 Entzwischen in rede vil suozev wart .
0,1057 Do sie mit kuossen schieden sich .
0,1058 Do virsach sich sente Vodelrich .
0,1059 Wand er dannen wolte
0,1060 Daz er in niht mer sehen solte .
0,1061 Vil sere weinende lief er her
0,1062 Ze dem bisschoffe Volriche so sprach er .
0,1063 “Wir gesehen vns in disem libe niht mer .”
0,1064 Des antwuorte bisschof Volrich im .
0,1065 “Ewirdiger vater mich virnim .
0,1066 Weist duo mine zit fuor war
0,1067 Ob ich schiere uon disem libe var”
0,1068 Des antwuorte ime sust Eberhart
0,1069 “Ez en ist noch niht din hinnevert
0,1070 Ob aber wir dir war sagen .
0,1071 Des wirdes duo innen in kuorzen tagen .”
0,1072 Mit diser rede do fuor dan .
0,1073 Von der celle der heilige man .
0,1074 Sit e er hin wider queme .
0,1075 Virschie Eberhart der got geneame .
0,1076 Hie nach gedachte er einer var
0,1077 Da sente mauritius mit siner schar .
0,1078 Ruowet ./ des heilichtuomes gewan er genuoc
0,1079 Daz er mit eren heim truoc
0,1080 Vnd bestate ez mit psalmodien .
0,1081 Ze vnser uowen sente marien .
0,1082 In den tagen fuor er wuorbaz
0,1083 In ein insilen augia heizet daz .
0,1084 Da phlac alewich der meisterschaft
0,1085 Der entphienc den herre- tuogenthafft
0,1086 Mit eren . wande er gerte
0,1087 Des heilichtuomes er in gewerte .
0,1088 Nach diser stete . niht virdagen
0,1089 Ich enwil . durch sinen willen sagen
0,1090 Swie der siechen we\,re dechein maz
0,1091 Lutzel decheines er virgaz .
0,1092 Aller meist die heten die vallenden suht
0,1093 Die heten zuo ime groze fluht .
0,1094 Und ander siechen ein michel teil

- 0,1095 Die machete er mit gotes helfe heil .
0,1096 Durch diemuote er sere virbarc .
0,1097 Sinen segen virsagete der witzige karc .
0,1098 Dem babeste er des segens iach .
0,1099 Ze der ere duhte er sich ze schwach .
0,1100 Von dem ole . den er den segen bot
0,1101 An deme antlaz tage . swen dechein not
0,1102 Des libes begreif . dem wart des buoz .
0,1103 Durch not ich nvo sagen muoz
0,1104 Wie ime da ze Campanie geschach .
0,1105 Uon siechtuome leit er vngemach
0,1106 Er n az noch en mohte geheben den fuoz .
0,1107 Man brahte daz ole . san wart ime buoz .
0,1108 An dem phingestabent ze mittem tage .
0,1109 Wart er gesalbet . ane suoche chlage
0,1110 Labete er sich . Vnd uesper zit .
0,1111 Sanc er mit den bruodern sit .
0,1112 Sus wurden sie vil wuondern vro
0,1113 Gesunt kerte er heim ze lande do .
0,1114 Er solte ouch ze einen ziten .
0,1115 Vober ein tiefez wazzer riten .
0,1116 Do ne getorste niemen komen dar an
0,1117 Niewan er . vnd sin kapelan .
0,1118 Der phaffe ein hohez pherit reit .
0,1119 Vnd wart vberal doch naz sin chleit .
0,1120 Deme herren wart sin sok niht naz .
0,1121 Ouch virbot er dem phaffen daz .
0,1122 Daz er z virswige bi sinem leben .
0,1123 Sus wolte er nach dem meister streben
0,1124 Der ouch sinen ivngern riet .
0,1125 Do er von dem berge schiet
0,1126 Daz sie niemen solten kuonden
0,1127 Die geschiht . vnze sie irfuonden
0,1128 Sine ware vrstende .
0,1129 An der siten vnd ander hende .
0,1130 Herre krist dir gnaden vollen schrin .
0,1131 Machent dir gnaden vollen schrin .
0,1132 Die duo hie beuor hast getan .
0,1133 An den heiligen . vnd nvo hebest du an .
0,1134 Wande duo daz hebreische her .
0,1135 Fuortest truocken durch daz mer .
0,1136 Also hast duo vober daz wazzer .
0,1137 Gefuoret dinen kneht . niht nazzer
0,1138 Wart sin sok . noch sin chleit .
0,1139 Swie er vof dem wazzer reit .
0,1140 Daz wazzer ienen ein muore was
0,1141 Dirre vof dem wazzer von dir genas .
0,1142 Sit males wolte er ze Regenspurc sin .

0,1143 Vof ein holz kom daz schiffelin .
0,1144 Do begonden die schifman gahen
0,1145 Deme stade sere nahen .
0,1146 Do sie voz getruogen ir dingelin .
0,1147 Sie virgazen in deme schiffe sin .
0,1148 Do sprach ein phaffe sin kapelan .
0,1149 “Wen uns armen . wie habe wir getan
0,1150 Beliben ist drinne der alte man .”
0,1151 Mit deme worte lief er hin
0,1152 Vnd truoc her voz den herren sin .
0,1153 San do in daz stad entphienc .
0,1154 Daz schif nach in vndergienc .
0,1155 Nvo muoget ir wuonder horen wol .
0,1156 Do daz schif was lades vol .
0,1157 Do swebete ez obe dem wazzer .
0,1158 San do her vz kom der bisschof her .
0,1159 Do gienc ez san zehant vnder .
0,1160 Durch in geschach daz wuonder .
0,1161 Sit gedahte er ze Rome einer var .
0,1162 Vnd kom zuo einem wazzer daz hiez tar .
0,1163 Daz was uon vngestuome also groz .
0,1164 Daz daran getorste dechein ros noh floz .
0,1165 Wand er getruowete gote eine messe er sanc .
0,1166 Vnd kom wol vober . des sagete er ime danc .
0,1167 Inner div wuorden sine sinne .
0,1168 Entzuondet . ze geistlicher minne .
0,1169 Wand er uozerhalp der muore machen hiez .
0,1170 Ein kloster . dar in er uowen liez .
0,1171 Daz sie gote vn- sente Stephan da bi
0,1172 Ze dienen waren . vor luoten vri .
0,1173 Ze deme irgab sich ein biderbe wip .
0,1174 Gote ze dienen bereitete div ir lip .
0,1175 Swie sie vngeleret weare .
0,1176 Ze deme gescheffede was sie gewere .
0,1177 Dar vmbe die swester alle samint
0,1178 Entphuolhen ir daz keller amint .
0,1179 Sie wolt des niht . fuor den bisschof ez qua- .
0,1180 Der gebot ez ir bi der gehorsam .
0,1181 Des enuolgete sie niht . des nahtes sie slief
0,1182 Ein stimme sie strafende alsus rief .
0,1183 “Wande duo niht gehorsam bist .
0,1184 Dines ganges mangels du biz an die vrist
0,1185 Vnze daz kuomet bisschof Volrich .
0,1186 Gareus dv ez . er machet wol ledic dich .”
0,1187 San do sie von deme slafe irschrac .
0,1188 Kranch des libes . vn- krump sie lac .
0,1189 Alse do der bisschof kom ze der stat
0,1190 Fvor den sie sich bringen bat .

- 0,1191 Der bisschof sere strafete si .
0,1192 Vnde machete sie an deme libe vri .
0,1193 Do sie sich virsan daz sie was gesunt .
0,1194 Laufende sie fuor den herren stunt
0,1195 Wol mohte sie vor frovweden springen .
0,1196 Vnd gotes lob sere singen .
0,1197 Ze einer zit solte er ze sende varn .
0,1198 Hin ze Gelenheim . do bekom im ein arm .
0,1199 Ruophret der truoc daz inner teil
0,1200 Sines libes uor ime . den machete er heil .
0,1201 Er sprach "ganch mit fride . ouch du nim .
0,1202 Den phennich in gotes namen" den gab man im .
0,1203 Der selbe . do sente Volrich starp .
0,1204 Wand er z ime vmbe got irwarp .
0,1205 Von manigem sightuome wart gesunt .
0,1206 Fuore baz wirt daz deme leseare kunt .
0,1207 Do begonde in der werlte betragen
0,1208 Deme himelriche sere lagen .
0,1209 Er wart zuo in gerechent .
0,1210 Die mit sente paule sprechent .
0,1211 Vnser wesen ist in deme himelriche .
0,1212 Swie so doch niht witzzechliche .
0,1213 So hete er gotes minne .
0,1214 Wand er stunt mit sinem sinne .
0,1215 Daz siner swester sun adelber .
0,1216 Wurde bisschof nach ime . wan er .
0,1217 Wolte sich ze der muonicheie han gegeben
0,1218 Vn- gote da al eine leben .
0,1219 Do stunt der tumbe adelber
0,1220 Nach dem bistume alze ser
0,1221 Er n hete lihte niht Salomonis wort
0,1222 Noch gelesen noch gehort .
0,1223 Sweme nach der erbe ist ze gach .
0,1224 Er darbet des segens lihte hin nach .
0,1225 Daz gesinde machete er ime vndertan .
0,1226 Den stap wolte er offenlichen han .
0,1227 Do die bisschoffe erfuonden
0,1228 Daz Adelber vnderwuonden .
0,1229 Hete sich des bistuomes also gar .
0,1230 Sie macheten einen sent . vn- luoden in dar
0,1231 Vn- sprachen in vmbe die Vreavel an .
0,1232 Daz er bi dem lebendigen man .
0,1233 Sich des bistuomes vnder want .
0,1234 Da fuor bot er sin reht zehant .
0,1235 San eine Vorteil man ime vant .
0,1236 Daz er vof dem euangelio swuore
0,1237 Daz er nie irfuore .
0,1238 Daz ketzer wise weare daz dinch .

0,1239 Daz er daz bistuom so entphiench .
0,1240 Do daz allez geschach
0,1241 Der bisschof fuor in sin gemach .
0,1242 Vnd adelber . der getrostet wart
0,1243 E . er von den herren kome an die vart
0,1244 Ob sente Volrich kome von der buorde
0,1245 Des libes . daz er bisschof wuorde .
0,1246 Iedoch so n ist rat noch wisheit .
0,1247 Wider got . als uns div schrift seit .
0,1248 Wande in deme selben iare .
0,1249 starp der phaffe z ware .
0,1250 Wand er nach den lazen
0,1251 Saz . da die luote azen .
0,1252 Vor leide er von deme tische gienc
0,1253 Einen schrit . san in der tot entphiench .
0,1254 Inner div der bisschof ze Diligen saz .
0,1255 In deme geiste weste er daz .
0,1256 Wande e ez ime gesagete der bot .
0,1257 Er sprach . “Adelber der ist tot .”
0,1258 Von ime wart ein slite bereit .
0,1259 Ze sente Afren wart div lich geleit .
0,1260 Sente Volrich ze anderre guoteaete .
0,1261 Machete ze sele gereate .
0,1262 Votenbvor die Abbeteie .
0,1263 Vri mit privileie
0,1264 Daz Adelbern ze lehen was gegeben .
0,1265 Die wile er was in deme leben .
0,1266 Er was eines tages an einer vart .
0,1267 Da ime ein luoge gesaget wart
0,1268 Daz von kostenze Chunrat .
0,1269 Der bisschof was ze der selben stat .
0,1270 Were tot vil weaerliche .
0,1271 Do virsahen sich suomeleiche
0,1272 Daz er weaere ze der messe gereit .
0,1273 Alse was sin gewoneheit .
0,1274 Do sprach er ze dem boten sin .
0,1275 “heiz die alten hie sin .
0,1276 Ez wirt vns morgen wol geseit .
0,1277 Ob ez ist ein warheit .”
0,1278 Des andern tages wart in getan kunt
0,1279 Daz bisschof Chunrat was gesunt .
0,1280 Swie sich der gotes kneht virsach
0,1281 Daz ime der tot was vil nach .
0,1282 Die wile er mohte p’digen er nie liez .
0,1283 Vof einem sliten er sich fuoren hiez
0,1284 Die wile er gesunt was . die gewoneheit
0,1285 Hete er . daz er vof einem wagen reit .
0,1286 Er eine vnd sin kapelan saz .

- 0,1287 Daz sie gote mohten gedienen deste baz
0,1288 Ze augespurc begonden sie ilen ser
0,1289 Ze guoteme ende so stunt vaste sin ger .
0,1290 Messe er taegeliches horte .
0,1291 Vil gvotiv werck er worhte .
0,1292 Daz heilsam oppher brahte er vzen .
0,1293 Sines herzen oppher liez er luzen .
0,1294 Mit den andern er ze tische saz .
0,1295 Noch er n tranch . ouch er luotzel az .
0,1296 Die salmen waren sin ezzen suoz .
0,1297 Dar nach der heiligen leczen gruoze .
0,1298 Er las dyalogum Gregorii
0,1299 Daz vierde buoch . wand er vant hi .
0,1300 Wie sie in deme geiste wurden hine gezuocket
0,1301 Vnd aber wider erkuocket .
0,1302 Ouch gebot er sinen schafpheaeren .
0,1303 Swa sine gulte weaeren .
0,1304 Daz sie dar uoz machent driv teil .
0,1305 Daz eine den armen . vmbe sin heil .
0,1306 Daz ander hiez er pristern geben .
0,1307 Von deme dritten wolt er selbe leben .
0,1308 Eines tages hiez er sich bringen .
0,1309 Da man eine messe wolte singen .
0,1310 Nach der legete man einen teppich .
0,1311 Fuor daz heilige cruce stracket er sich
0,1312 Er lac eine halbe wile an dem gebet
0,1313 Dar nach brahte man im swaz er het
0,1314 Ane daz ze einem huos geriht
0,1315 Gehorte . des enbrahte man niht .
0,1316 Ein decklachen man ouch niht brahte
0,1317 Sinem nachkomen er des gedahte .
0,1318 Do er daz luotzel dinc ersach
0,1319 Mit suofzendeme herzen er do sprach .
0,1320 "Ach we mir waz solte mir daz ."
0,1321 Der zale man da niht virgaz .
0,1322 Luotzel hemedede . mit ahte tischklachen .
0,1323 Oder sibene . mit zwein chleiden swachen .
0,1324 Von silber phenninge .
0,1325 Zehen schillinge .
0,1326 Daz hiez er phaffen vnd armen geben .
0,1327 Dar nach stalt er sin leben .
0,1328 Daz er bereite weaere .
0,1329 Ze voftuonne deme kloppheaere .
0,1330 Ouch begonde er trahten aller meist
0,1331 Als in etteswenne zockete der geist .
0,1332 Wand er suomeleich dinc horte vn- sach
0,1333 Der er wider sine lvote viriach .
0,1334 Er sagete dem abbete Wernhere von vuolde

0,1335 Ob er hete zweier hulde .
0,1336 Die ime gehuollen an der wal .
0,1337 Er behabete nach ime daz bistvom al .
0,1338 Vnder wilen so er entslief
0,1339 Von deme sweaeren trovme er rief
0,1340 “We mir adelber daz ich dich ie gesach .
0,1341 Uon dir muoz ich liden vngemach .
0,1342 Wande sie mich ane wize . vnder ir zal
0,1343 Niht nement . durch daz ich dir gehal .”
0,1344 Wir haben von sente Gregorio
0,1345 Daz schribet er in dyalogo .
0,1346 Ein heiliger diacon Paschasius
0,1347 Des babestes ze Rome . dem geschach alsus
0,1348 Do er irstarp . ein beheft man .
0,1349 Ruorte sin gewant . vn- gienc gesunt dan .
0,1350 Der muose in die Wize .
0,1351 Wande er mit allem vlize .
0,1352 Was wider den babest Symachum
0,1353 Er hete irwelt Laurentium .
0,1354 Do sie an Symachu- komen al gemeine .
0,1355 Laurentio gestunt er al eine .
0,1356 Bisschoffe waren ime gehorsam
0,1357 Vnze an den tot er nie an in quam .
0,1358 Wande ir schulde waren gelich .
0,1359 Als waren ir wize vil billich .
0,1360 Wande er Laurentiu- vor dem het
0,1361 Der gewihter ist an gotes stet .
0,1362 Also was sente Volrich .
0,1363 Mit einvalticheite wider sich .
0,1364 Er wolte daz weaere bisschof Adelber
0,1365 Swie so dennoch lebendich was er .
0,1366 Wider dem alten rehte
0,1367 Daz sazten die gotes knehte .
0,1368 Durch daz muoge wir vns virsehen
0,1369 Von disem . des er hat viriehen
0,1370 Uon sente Paschasio .
0,1371 Wan peter sin ivnger vragete in do
0,1372 Wie geschach daz . von dem gewant
0,1373 Muose ruomen den mennisc der valant
0,1374 Vnd der heilige man wart gefuort
0,1375 Daz in div wize ruort .
0,1376 An disem dinge man kiesen sol
0,1377 Daz gotes rat ist der duornehte vol
0,1378 Vn- daz etteswenne sin vrteil irget
0,1379 Niht . als der wan der mennischen stet .
0,1380 Wand ime die lvote iahen .
0,1381 Guoter werke . die sie sahen .
0,1382 Damite so wuorden sie inne .

0,1383 Daz dar an waren gewinne
0,1384 Ob von dem libe iht guotes geschit
0,1385 Got im des mit deme zeichen giht .
0,1386 Div schulde ouch div da inner was .
0,1387 Wande sie got in deme herzen las .
0,1388 Wand er z niht fuor schulde het
0,1389 Dar vmbe er decheine buoze tet .
0,1390 Got en wolte im ir niht virgezzen .
0,1391 Er n muose sie mit pine mezzen .
0,1392 Moysi tet er alsam .
0,1393 Wie frivntliche er sine rede virnam .
0,1394 Vnd sin bruder Aaron .
0,1395 Got der Zuornde hinze in zwein da uon
0,1396 Wand ir geloube was niht veste .
0,1397 Mit disen Worten er z ime virweste .
0,1398 “Wand ir niht gelouben en woltet
0,1399 Noch eren . also ir soltet .
0,1400 Durch daz fvoet ir niht in daz lant .
0,1401 Daz volck . daz ich in geben wil zehant”
0,1402 Sit got strafet sus siniv kint .
0,1403 Div im vil verre lieber sint
0,1404 Wand er sie geahtet hat vnder die zal
0,1405 Da sie gewinnent niemer qual .
0,1406 So wirt der suondeare .
0,1407 Buoze ane zwivel sweare .
0,1408 Sit do geviel sente Johannis tac
0,1409 Daz sente Volrich sicher lac
0,1410 an dem libe gar virswachet
0,1411 Von einem troume was er irwachet .
0,1412 Er hiez sich an legen siniv kleit
0,1413 Des waren sie ze tuonne bereit .
0,1414 swie so daz was in ir wane
0,1415 Daz er weare sine sinne ane .
0,1416 Man legete im ouch an sin bisschoffes gewant .
0,1417 Vnd gienc da er die kirchen vant
0,1418 Sente Johannis baptist .
0,1419 Vnd stunt ane helfe also lange vrist .
0,1420 Vnze zwo messe wuorden gessungen
0,1421 Er sprach ze den alten vn- ivngen
0,1422 Ze den phaffen die da stuonden bi .
0,1423 Swie kranch ich an deme libe si .
0,1424 Doch han ich hvote diz ambet getan .
0,1425 An gote muose daz sere stan .
0,1426 Wande mich ez sin bote hiez .
0,1427 Der mich huote niht ruowen liez .
0,1428 Do ich zwene schone man .
0,1429 Vor minem bettelin sach stan .
0,1430 Der eine alsus ze mir sprach .

- 0,1431 "War vmbe stes duo niht vof . von dine- gemacht
0,1432 Dvo solt balde vof sten .
0,1433 Vnd ze sente Johannis singen gen ."
0,1434 Des antwuorte der ander . "wie sol daz
0,1435 Geschehen . wand er an de- libe ist laz
0,1436 Daz er noch niht prime gesproche- hat ."
0,1437 Der ander sprach . "stant vo- d' stat .
0,1438 Vn- tuo daz ich hiez dich volbringen
0,1439 ane dich sol huote niemen singen ."
0,1440 Dar nach gienc er ze sine- gaden
0,1441 Vn- wartete we-ne man in wolte laden .
0,1442 Dikke sprach er disiv wort .
0,1443 "Wenne kuom ich ze gote . vn- gesihe in dort ."
0,1444 Der vnder div was leseare .
0,1445 Der vragete in ob div zit weare
0,1446 Daz er solte virwandeln des libes wesen .
0,1447 Er sprach als ich ez han gelesen .
0,1448 "Ich weiz gewislichen wol .
0,1449 Daz ich schiere hinnen scheiden sol"
0,1450 Do vragete er n welhen bisschof er wolte
0,1451 Der in begraben solte .
0,1452 Wande sie waren ze frankriche
0,1453 Ze der sprache al geliche .
0,1454 Do antwurte ime sente Volrich .
0,1455 "Kans dvo bestaten eine lich .
0,1456 Tuot ir daz ir tuon solt
0,1457 Dar zuo got sin helfe holt ."
0,1458 Dar nach in vil luotzel tagen .
0,1459 Alse man gotes marter sol chlagen .
0,1460 Des tages . sente peters abent geviel
0,1461 Do virsah er sich . ez were sin ziel .
0,1462 Mit Worten er des niht gewuoc
0,1463 Zeichen zeigete er genuoc .
0,1464 Do man vesper luoten began .
0,1465 Do badete er sich . vn- legete sich an .
0,1466 Mit kleidern als da was bereit .
0,1467 Vof die erden er sich do leit .
0,1468 Er wande ez weare komen sin zit
0,1469 Do man gesanc vesper sit
0,1470 Man begonde in von der erde wegen
0,1471 Sus getaner worte begond er phlegen
0,1472 "O sente Peter minen wan
0,1473 hast dvo noch niht getan ."
0,1474 Eia welh ein man lobes wert
0,1475 Swie kranc ein fleisch der doch gert
0,1476 Er wolte mit kriste al eine leben .
0,1477 Vn- durch krist ze dem tode irgeben
0,1478 Die vrist . des libes sweaere .

- 0,1479 Was ime ein karckeare .
0,1480 Er wolte hie von dem bande genesen .
0,1481 Vn- mit kriste al eine wesen .
0,1482 Aber sit er widerquam .
0,1483 Fivonf tage steaticliche ruowe er nam
0,1484 Antlaz er von allen bat
0,1485 Vnd tet ouch in des selben stat .
0,1486 Des libes het er sich irwegen .
0,1487 Des doners tages bot er sinen segen .
0,1488 Des vriegtages do div abent rot
0,1489 Witen ir licht der erden bot .
0,1490 Die phaffen vaste sungen .
0,1491 Die zehere ein ander drungen .
0,1492 Er enphalch sinen geist in gotes hant
0,1493 Do er in siner gnade gemant .
0,1494 Mit alsus guoteme ende .
0,1495 Schiet er von disem ellende .
0,1496 Do waren uon gotes geburte fuor war
0,1497 Nivon hundert . vn- ahzek . vn- driv iar
0,1498 Driv vn- ahzek von sinem alter .
0,1499 Vivnfzec von siner wihe zald er .
0,1500 Daz was in anno jubileo .
0,1501 Von dirre werlte schiet er vro .
0,1502 Als div hebreische diet .
0,1503 Von egipte lande schiet .
0,1504 Mit gote lebet er ewichliche .
0,1505 In deme himelriche .
0,1506 Er verschiet quarto nonas Julii .
0,1507 In der zit Ottonis Augusti .
0,1508 Do sie entnakten die lich .
0,1509 Den sie ze wasckenne vlizzen sich
0,1510 Vober eine zit besaz sie der valant .
0,1511 Durch helfe fuor sie in manigiv lant
0,1512 Ze ivngest kom sie ze sente Volriches grabe
0,1513 Vn- kom da des tivoels abe .
0,1514 Ein man bi der Tuonouwe saz .
0,1515 Der sich an siner viher virgaz .
0,1516 Daz houwe er zesamene rechete .
0,1517 Do er z do heim gezechete .
0,1518 Vn- die gabeln dar in sluoc .
0,1519 Daz fivoer sie voz gegen ime truoc .
0,1520 Do er gesach daz . daz houwe in fivre lac
0,1521 Sider vigerte er sente Vlriches tac .
0,1522 Ein jvncherre was eines Grauen kint
0,1523 Den hete der sichtuom so begint .
0,1524 Daz er niht gestalten mohte .
0,1525 Ze gende ovch er niht tohte
0,1526 Mit krancker spise vrist er sich .

0,1527 Er bat sich fuoren ze sente Volrich .
0,1528 Do sie komen in mitte- der strazen .
0,1529 Er bat sich abe lazen .
0,1530 Des envolgete- sie im niht . er duhte sie kranc .
0,1531 Ze der porten sie komen vober lanc .
0,1532 Er bat sie daz sie in liezen gen .
0,1533 Des engetorste- sie dennoch niht bisten .
0,1534 Do sie ze der greden quamen
0,1535 sine bete sie niht virnamen .
0,1536 Wand er sich do wol virstunt .
0,1537 Daz er worden was gesunt .
0,1538 Sunder siner gesellen danc .
0,1539 Snelle er vo- dem bette spranc
0,1540 Wand er sinen gesunt entphienc .
0,1541 Mit frouwede- er in daz muonster gienc .
0,1542 Lobende got . vn- den heiligen man .
0,1543 Er brahte sin oppher . vn- fvor dan .
0,1544 Der diz buoch gemachet hat
0,1545 Ze duote . alle die gruozen lat .
0,1546 Die ez iemer gehoren lesen .
0,1547 Er wolte in ir herzen wesen .
0,1548 Konde er z dar zuo bringen .
0,1549 Mit tuogentlichen dingen .
0,1550 Daz er in lieb weare .
0,1551 So truowete er siner sweare .
0,1552 Mit gotes helfe abe komen .
0,1553 Swaz ime div suonde hat benomen .
0,1554 Der zit . der wile . der stuonde .
0,1555 Mit irm suoczen munde .
0,1556 Daz kuonnen sie wol hin gelegen .
0,1557 Wolte sie div minne dar zvo wegen .
0,1558 Vraget ir wie man in nenne
0,1559 Ich selbe in wol irkenne .
0,1560 Er ist ein vaz tuogende leare .
0,1561 Ob er des niht weare
0,1562 Wes mohte er vch denne gebiten .
0,1563 Div bosheit hat in lange geriten .
0,1564 Sie wirt da ze im sedelhaft
0,1565 Sie ne virtribe denne uwers gebetes kraft .
0,1566 Lat schine- in uwer guote .
0,1567 Sendet im der starken gluote .
0,1568 Vower minne einen koln .
0,1569 So mac er sich des vrostes irholn .
0,1570 Mit pat- n-r almuosen
0,1571 Stozet im in den buosen
0,1572 Zeiget im ob ir milte sit .
0,1573 Got iv selbe daz lon git .
0,1574 Swer wizzen welle sinen namen .

0,1575 Der sol setzen ze samen
0,1576 An dem ersten blate die buochstabe- .
0,1577 Die die roten uarwe haben .
0,1578 Ist iht wandelbere .
0,1579 Daz getihte . oder kuonste lere
0,1580 Daz bezzere der ez kuonne .
0,1581 Mir ein teil des lones guonne .
0,1582 Habe er ouch mit mir teil .
0,1583 Sus wehssset vns der seilden heil .
0,1584 Gnade wir vinden muozen
0,1585 Ze vnser vrowen . die wir sus gruoze- .
0,1586 Maria kivoschiv muoter
0,1587 Teile vns der sele uvoter .
0,1588 Da von wir vof der erden
0,1589 Also kreftic werden .
0,1590 Daz wir den Vienden an gesigen
0,1591 Vn- an dem strite obe geligen .
0,1592 Lere vns stigen der tuogende grat
0,1593 Den vns din svon vor gestigen hat .
0,1594 Bivot helfe die dich erende sin
0,1595 Tvo vof dine gnade den vollen schrin
0,1596 Guoz voz wand er sie in dich goz
0,1597 Der vor ba\,ermede gar hin vloz .
0,1598 Dilge die svonde mache vns rein .
0,1599 Der von dir geborn irschein .
0,1600 Warer got vnd mennisch vil kranc
0,1601 Durch vns win mit gallen tranc .
0,1602 Zihe vns nach ime sunder danc .
0,1603 Vnze wir singen der engele gesanc .
0,1604 Hie ruowen mine hende
0,1605 Des buoches ist ein ende .